



3478

Wat.komp

Mag. St. Dr.

p


Lazeb.

red.

1692.

Początek 3039.

Peroniski i Michałowi Stanisł. Sementis fecerunt
dissimili Jagellonici manipuli.



50.

SEMENTIS

Fæcundissimi Iagelonici Manipuli,

A S E X

VV. DD. PRIMÆ LAVREÆ CANDIDATIS

I N

Laureato Virtutis & Eruditionis Campo,

Calendis Octobris

S P A R S A.

Atq; dū idem

In Alma Vniverſitate Cracoviensi

P E R

Clarissimum & Admodum Reverendum Dominum

D. M. MARTINVM
BIELECKI

Philosophiæ Doctorem & Professore,

Collegam Minorem, Canonicum Tarnoviensem,

Contubernij Iageloniani Seniore,

Artium & Philosophiæ Baccalaurei

R I T V S O L E N N I

In Frequentissima Magnorum & Illustrium

Hospitum Totiusq; Senatûs Academici Corona.

RENVNTIARENTVR,

A

MICHAELE STANISLAO RERONSKI.

Ejusdem Laureæ Candidato,

Applausu Gratulatorio, Luci publicæ

E X P O S I T A.

Anno Quo Frumentum Electorum, è Sancta Fæcundissimæ Virginitatis Terra ortum est. 1692.

CRACOVIAE Typ: Nicolai Alexandri Schedel S. R. M. Ord: Typ.

INSTEMMA

Incltyi Senatûs Urbis Metropolitanæ



UNIVERSITATIS
VNIV. GELI
GRACOVENSIS

Nobilior centum Thebarum Cracia portis,
Porta Triumphalis TVRRIBVS Alma nitet.
Hic secura manent Magnorum munera Regum,
Hicq; tenet Regni pignora, tuta salus.
Ergo Iagelonis nitidum concedere Fascem,
Hûic Portæ decuit; fiat ut inde ferax.


IOANNES ANTONIUS Gomolkiewicz Cracov:
In Alma Vniuersitate Cracoviensi Philosophiæ Auditor.

3478 III

NOBILISSIMIS,
CLARISSIMIS, SPECTABILIBVS,

Consultissimis Viris ac Dominis,
D. PROCONSVLI,
CONSVLIBUS

Totique Inclyto Cracoviensi
SENATV,
REGNI POLONIÆ METROPOLEOS:
Dominis & Mæcenatibus Amplissimis.



*Prima animorum Materfamilias Sapiencia, quæ profert de
Thesauris suis nova & vetera. Sementem suam hodie triumphalibus
Vestris infert PORTIS. Nobilissimi, Clarissimi, Spectabi-
les, Domini & Mæcenates Amplissimi. Nempe fecundissimus
Iagellonum Manipulus dulces eruditæ mentibus alimentum præbens,
lassatosq; per salebrosos Musarum colles, & Athleticæ Virtutis
carroborans artus, non potuit tutius quàm in hac Pergamo-
rum Craci Sacrario collocari. Regale hoc germen Regalibus includen-
dum tutandumq; TVRRIBVS committi ex æse debuit; ut alimentum Reipublicæ
eruditio, per Vos Principis Sarmaticarum Urbium Amplissimi Proceres conserve-
tur. Quippe cum Regnorum Præses luno, Regia Sceptri decora, Diadema, Fa-
sces, purpuram, & Amplissimi Regni huius Cymelia in expugnabili harum TVR-
RIVM custodia & fortitudini commiserit: quidni Pallas Sarmatica à Divo Ia-
gelone, tanquàm Iove suo originem & incrementum sumens, isdem illata sumpserit
decus & tutamen? Imò, non exhorrescit hæc Animorum Sementis ullam tumultu-
antis æ ris tempestatem, non timet favam turbulento seculo grandinem, non cu-
rat fulminum quæ degeneres animos terrent teruntq;, fragores, aut versantis in gy-
rum cuncta fortuna turbines, quia Vestra fortissima TVRRES vires animumq;
ministrant. Illæ illa sunt, quæ foris & intus Munitissima, nec tela, nec ignes per-
horrescunt. Illa, quæ nulli insensissimo hosti tot insultus exerenti, fatalis scopulus &
Tarpeium Saxum extitère. Illa sunt, quæ obvia tot armorum strepitu sibilantibus
bellici Aeoli furij, steterunt immobiles, velut Marpesia cautes; ut meritò illis
Torquati Fassi Syngraphen affigere liceat: oppugnantia vident. Non vnus ad hanc
Portam Annibal, tot Catonum consilijs confusus, tot Scipionum dexteritate pressus,
imò repessus, fatalem in Polonia fertilibus campis Capuam invenit. Vna hæc cen-
tum Thebarum portis Nobilior, quia semper Triumphalis: claudi quidem nescia,
nunquam tamen hostium fraudibus vel insultibus patuit. Clusum & Patultium in
se habet: hunc Regibus fidele Numen, illum hostibus fatale. Bonis avibus per Au-
gustos illius Poses & laureata limina, ingrediebantur Pavelli Capitolium Victo-
res &*

res & Invicti, sed tantum quos vota Civium & amor coronarunt. Externum
Victorem non nisi victum de Procerum mandato fidelitate intemperata admisi, adeo
ut Finnicus Prado hoc vestibulum sacrilego ausu ingressus justam Nemesis sease-
rit, cum usque ad atria Ditis expulso exercitu, vix ipse cum paucissimo comitatu
redisset: ita rara antecedentem scelestum deseruit pede pena claudo. Hec est mil-
le digna elogijs, intaminatis fulgens honoribus Virtus Vestra, Viri Nobilissimi, quod
cum Alij abiecto fidei Sacramento, Suetico Marti & Heretico Principi, non plau-
sum modo, sed fidelitatem jurejurando dedissent: vos invicta fortitudine TVR-
RIM Vestram & Sacrum fidelissimi pectoris, Serenissimo Regi Casimiro Totius
Regno servastis. Instabat hostis, obstabat Vester juratus erga legitimos Princi-
pes candor, adeo; ut furor ille hostilis attonitus, ad heroicam Vestra, Virtutis con-
stantiam mitescere cogeretur. Unde quid mirum! si vos Annales Sarmatici tantis
Regum favoribus ditatos, dotatosque depradicant: imò si ita Maestatis Monar-
charum Dilectos, ut concolor Vestimentorum, calor Vobis cum Regibus esset: dum
pro conservando Illorum solio, inviolatam in TVRRIBVS Vestris fidem servantes,
nec ferro, nec igne terreri potueritis. Hoc in Vobis fidelissimum pectus, in medijs
pugnantis contra Vos, infesti viciniq; Gradivi procellis agnovit VLADISLA-
VS II, Coronavit LESCVS Niger, admiratus est SIGISMUNDVS III,
sperabit posteritas. Quidni ergo Sarmatica Aquila in tanta securitate PORTÆ
Triumphalis nidum collocaret? delicias suas in TVRRIBVS Vestris & abun-
dantiam gaudiorum invenit, ideò explicat in plausus alas suas. Hec armigera,
fulminibus impeterrita in Gigantes, ut Tonanti suo eadem ministraret, in TVRRI-
VM Vestrarum armamentaria sedem fixit. Meridiem in septentrione & auge
Virtutis tot Polonia. Soles in Porta hac explicuere: quidni ergo Aquilas tanta lucis
speculatrices habuissent? Verum inter innumeros Virtutum Vestrarum splendores,
velut inter ignes Luna Minores, elucet Religio, pietas, ingens cultus Divini zelus,
intemperata justitia observantia, & summa in egenos munificentia. Porro jacent suam
Cecropiam Minervam, & Septena Sapientum oracula Athena; Spartha heroicis
& ad omne periculi genus infractis pectoribus, Thebe de voto Sacrorum ritu glorientur, Vestris in animis
Encyclopadiam, Virtutum & Sapientie Tripodem Orbis veneratur. Testantur Religio, Vestram tot
Divorum à Vobis largà dexterà ornata Arca. Tot Æles Sacre opimo censu ditata. Tot Nosocomia &
Orphanotrophia quæ Vestra sollicitudine aluntur, curantur, resciantur. Ipsum Imperatricis Cælorum
Augustæ in se ut in Theatro gloria Vestri Devotissimi in Deiparam obsequij Divosque pietatis Symbola, luce
meridianâ clarius demonstrat. Religiosi Numa tot Votiva anathemata, tot gratitudinis homagia, vestigali
obsequio erexitis. Verè dilexistis decorem Domus Dei, dum tot impensas in promovendo ampliando, illius
splendore, in comparando, Latenti in SACRAMENTO NUMINI TABERNA OVULO & Hero-
theca ex puro obryzo affabre constructa aliâque pretiosissimâ suppellectili, fecistis. Semper ardorem zeli Vestri
Sueticus Leo, qui cum ad Basilicam Augustissimæ Mecalocolumos claustra prævumpere satageret, inve-
nit ex Vobis Alcidas & Cyneas, quæ eius furorẽ invicto animo ore & arcu represserunt. Quid aliud SE-
NATUS VESTER INCLYTUS nisi Receptaculum Misericordiarum asilum pupillarum? quoties arumno-
sos iniqua sors, injuriâ affecit mortales, toties apud Vos velut oracula Divina Themidos solamen animorum,
ex integerrimo judicij edicto recepere. Renatur certè in PORTA Vestra Gentilitia, antiquissimi avi
integritas, cum bilance equiores Lechei Aristides, in gravissimo subtelij Vestri Arcopago iustissima edicta
promulgatis. Magistratum quispiam Medicum Civitatis appellavit, Vobis hæc prærogativa SENATO-
RES DIGNISSIMI ex asse competit: qui grassante pestilentia toxico fumisque tyrannide, infe-
stos Cives enecante, visceribus misericordie complexi estis. Verum quid Tulliani eloquij Majestas
TVRRIVM Vestrarum fortitudinem in AVGVSTAPORTA Soli Virtuti paten-
tia adijcet & sublimem ad culmen Cælestis omnium Virtutum AQUILÆ Vestre volarum, digno apparatu
effari & exprimere poterit? Obruit ingenij imbecillitatem tanta rei magnitudo. Quare silentio jam
ad TVRRRES Vestras Victrices, cum semine mea velut ad Gaditanas Columnas, imbecillis ingenij de-
cepcedam figens, sub alis alitum Principis, Grana hæc telluri Palladis injecta, ne à sinistro Hyperione
adurantur, spargo, jacioq; Dabitur VIRI Nobilissimi incrementa favoris Vestri, quæ semper Musa
mea, æternitatis Diphthera connotabit. Interim cum profundissimo cultus & omnimoda felicitatis voto, in
Sinu gratia Vestra, & Vestibulo Victoriosa PORTÆ, hanc SEMENTEM protegendam, ac benigno fa-
vorum sereno fovendam consigno.

NOBILIVM, CLARISSIMARVM & SPECTABILIVM
Dominationum Vestrarum

Deditissimus Client

MICHAEL STANISLAUS KERONSKI
Primæ Laureæ Candidatus,



Vigilantissimo Palladianæ Domûs
Patrifamilias

D. JOANNI
CANTIO.

RegniPoloniæ, & Vniversitatis Cracoviensis
PATRONO.

Manipulum Iagelonicum Regiâ liberalitate
vberimum, in singulare patrocinium commen-
dat dicatq; Author.

CVM LEMMATE:

Densior florebit arista.



IVE, Quem nobis bonitate summâ,
Conditor rerum tribuit Patronum,
Et Patrem fecit, Lechicis in oris
Palladis Almæ.

Gratiâ Magnum celebramus omnes,
Vocibus, votis, calamis, IOANNEM:
Stoa plaudenti, Tibi promit jo
Cracia corde.

Hæc Polonorum decus & Magistra,
Artium verè veneranda Mater,
Fertili tellus celebrata messe
Fert tibi grana.

Non quidem cessat Genitrix fovere, &
More culturam renovare prisco
Mentium, donec redeant in orbem
Aurea sæcla.

A

Heu

Heu tamen fato premitur sinistro,
Improbis noster labor, & maligno
Sæva tempestas, virides in agros
Depluit imbre.

Æmulus liuor, tonat atq; magno
Grandinis, nostram Cererem sub ictu
Optat everti, gelidoq; cuncta,
Turbine Versat.

Perfurit fulmen segetesquæ adurit
Palladis Nostræ, quibus Academi
Arva, Lechæos recreare sverunt,
Docta Triones.

Vnicus nobis remanet Manipulus,
Dextra quem Regis Iagelonis Alma
Vincijt, nostri vt recreet laboris
Nobile pignus.

Ergo | tempestas malefana cesset,
Iam satis Nobis nivis, atq; diræ
Grandinis missum; Pater hêu serena
Tempora posce.

Lux sit in luco, meritisq; splendor
Regijs campis: Craciæ Camænæ
Sement lauros, maneatq; semper
Inde perennes.

Sit procul turbo violentus, & non
Evomat contra furias inanes,
Inclytam Matrem, Iagelonis Almi
Regnet ARISTA.

Iamq; Sementis Tibi Patriarcha
Magne procumbit, rignosq; poscit
Gratiæ nimbos, dabis incrementa
Optima Cælo.

CLARISSIMIS EXCELLENTISSIMIS & AD-
MODVM REVERENDIS DOMINIS
D. D. EXAMINATORIBVS.

Clarif

Clarissimo Excellentissimo & Admodum Reverendo Domino,

D. M. A L B E R T O
I O D L O W S K I,
Philosophiæ Doctori & Professori, Collegæ

Minori, Canonico SS: Omnium, Curato Dziecan: ac
interea Inclytæ Facultatis Philosophicæ DECANO.

Clarissimo Excellentissimo & Admodum Reverendo Domino,

D. M. MATTHIÆ BROCKI
Philosophiæ Doctori, Collegæ Majori, Re-
gio Professori, Canonico S. A N N Æ.

CLARISSIMO & EXCELLENTISSIMO DOMINO.

D. M. ALBERTO WOLSKI
Philosophiæ Doctori, Collegæ Minori, Pu-
blico Sacrâ Auth: Apost: & O. R. Notario, Astrolo-
giæq; Ordinario Professori.

In Argumentum debitæ gratitudinis & Venerationis,
Beatas, Amplissimorum honorum & felicitatum Insulas,
pro cultura Animorum Nostrorum centuplo fructu fer-
tilissimas:

CVM LEMMATE:

Centuplâ fruge beantur.

Regale germen, purpureo micans
Splendore laudis; portio quæ Tibi
Debetur oris? quodvè penna,
Cæsareum decus & Corona?

Vatis sacrati, nectareum Melos

Hauris: Minervæ mellifluos premis

Linguae lepores; Florum Ocellus,

Gemmiferis caret Hybla verbis.

His, ut coronet Te pretium stoe,

Ac purpuratum delictum Craci,

Quod totus orbis, totus inde

Aonidum stupeat Senatus.

Hinc non Arion pectine Lesbio,

Nec dulcis Orpheus, Threycia lyrâ

Nec Docta Pallas, Te valebunt,

Castalijs celebrare plectris.

Cum

Cum mentis alta gemmea semina,
 Gemmas repossunt, in pretium sui;
 Ha sunt Togatorum corusca
 Lumina, Palladiaq; Mitra.
 Quas pulchra Virtus, & Sapientia,
 Felicitatis maxima portio
 Parauit illi; ut sit nitore,
 Fascibus, Imperioq; digna:
 Ac purpurato praesideat throno,
 In quo refulgens, Assyrio magis
 Triumphat ostro; sicq; semper
 Ipsa potens Domina, Ipsa victrix!
Toge IODŁOWSKI, purpureæ decus
 Hoc Tu triumphas, per Peripatheas
 Victor Cathedras; hoc beatus,
 Laurigeriq; Chori Imperator.
 Tu dulce Magni delictum Craci,
 Tu fons deserti nectaris, Exedra
 Ac germen aureum sacrata,
 Cor Themidis, Canonum voluptas.
 Princeps sophorum, gloria Palladis,
 jubar Palestræ justinianæ,
 Pulchrâ oris & Cordis Catenâ,
 Attonitos animos tenes iam.
 Intaminata, splendor adorea,
 Ab hac per Orbem Te feret aureum
 Praclare BROCKI, qui lepore.
 Dulciflue, recreas cor omne.
 Pro quo mereris diuitis ingeni.
 Monile pendens. eloqui raui,
 Imò mereris lumen omne,
 Dotibus egregijs coruscans.
 Apex honoris cum solio Tibi
 Svadella dulcis, nectare melleo
 Quæ mulcet internas medullas,
 Osq; replet saliente venâ.
 Quot Tu virorum maxima Nomina
 Tuâ celebras dulcisonâ Cheli!
 Fortes perennant en Achilles,
 Quos Tua Musa mori vetavit.
 Pulcher triumphus stat, Calamus Tuus
 Dulces fluores dat Tibi Castalis:
 Ergo per altos dignitatum,
 Ire gradus Tibi sit decorum.
 Ex eruditi dogmate pectoris,
 Togata WOLSKI, laus refluat Tibi,
 Quem

Quem amica Cælo nata Diva
 Vranie, loquitur per omnes.
 Arcana Cæli Numina pandere,
 Motusq; nosti, per numeros bene,
 Nexus Sophorum solvis altos,
 Ingenio, calamoq; felix.
 Nestor Polonis mentibus imperas,
 Oris disertis pectora vinciens,
 Tu lux Minervæ purpurascens,
 Dulce decus columenq; Phæbi.
 Tu Cultor aquæ, Tu Themidos Sacra
 Edicta scribis, codicibus notans,
 Quidquid sacro promulgat ore
 Palladij Tripodis Tribunal.
 Ergo Beatas Gemmea Germina
 Has cordis, oris, vel calami Insulas
 Grato feratis pro labore
 Pectore; quas damus ecce vobis.
 Aternitatis nomine Conditas,
 Ut hæc coronent lucida Nomina,
 Vestrosq; consignent honores,
 In præcium meriti triumphæ.



S E M E N T I S
 Fæcundissimi Iagelonici Manipuli
 I. V. D. IOANNI LVKINI Crac:
 Thessala Tempe, amœnitate & Vber-
 tate, sæculis notissima,

CVM LEMMATE:
 Virtutum semina crescent.

A Magnis, humiles unquam ne prospice partus,
 Prominet in natis, semper origo sua.
 Thessala delicijs mundo notissima Tempe,
 Tetrum nil unquam, triste nihilq; ferunt.
 Aureus Hesperidum perdives fructibus hortus,
 Obryzum purum, nonnisi ferre solet
 Scilicet, in fætu respondent semina Patris,
 Quæ Tu LVKINI, vera sat esse probas.
 In Te, Magnorum clarescunt gesta Parentum,
 Acq; Virtutis, Patris imago fores.

Cracia Te excepit cunis, facunda Virorum
 Patria; nec defunt Nomina Magna Tibi.
 Vrbs, Genitore Tuo prudenti Consule læta;
 Iudicij magni, Consilijq; Viro.
 Indolis eximiae dedit, hic Tibi Nobile germen,
 Dotibus hoc decorat, sat Tua dexteritas.
 Ingenio facili, penetras arcana Sophorum,
 Dissolvens nodos, Palladis ambiguos.
 Flexanimâ gaudes, dulci cum nectare suadâ;
 Virtutum multarum, est Tibi mensq; bona.
 Magni doctrinâ crescas Prudente SO WINSKI,
 Cuius nunc Craci, dextera, Sceptra gerit.
 Ergo Viro Tanto, speraris quid nisi Magnus?
 A Magno quoniam, lux tua Sole micat.

III. V. D. MARTINO IOANNI
 W A L E S Z Y N S K I
 Sardinia Regio, admirandâ ubertate semina reddens.

CVM LEMMATE:
 Hæc faciet lætas segetes.

Qui cupit, lauro redimire frontem,
 Et suum fastus dare Nomen ambit,
 Tadium longum ferat, est necesse,
 Ille laboris.

Nôn prius curas renuat molestas,
 Serta quàm frontem decorent Togata:
 Fama nôn venit, nisi pertinaci
 Parta labore.

Sardius quamvis celebretur vber
 Sulcus, at nunquàm nisi sit rigatus
 Imbre sudoris, benè defluentis,
 Horrea ditat.

Palladis cultor bone W A L E S Z Y N S K I.
 Dotibus magnis, segetes feraces
 Mentis edocta, similes celebri
 Sardinia fers.

Est tibi promptus genius Sophorum
 Expolitus sat, labijs Venustas,
 Eloquij torrens, gravitate sermo
 Prodit amena.

Curris ad Musas iter eruditum
 Doctus ostendit tibi quod C H M I E L O W S K I,
 Deditus libris imitaris hunc Tu
 Dotibus amplis.

Hinc tua cedit meritò capaci
 In decus fronti, capitiq; docto
 Nexa Musarum manibus Corona,
 Laurea Phæbi.

IV. V.D. STANISLAO GOŁĘBIEWSKI.

Semina Agrorum Sicaniæ, vbi Ceres à Poëtis nata fuisse dicitur.

CVM LEMMATE:

Magna Parens frugum Ceres, tibi plaudit.

O Prima Dux Vitæ Sapiencia, dignaq; Regnis,
 Clara Iovis Soboles, & Numinis Inclyta forma,
 Cujus in Augusto fixit sibi pectore sedem,
 Illum congeries, cunctorum summa bonorum
 Concomitatur: adest opulento copia cornu,
 Cræsi divitias fundens, Crassiq; stupendos
 Thesauros, quidquid prædives Persia jactat,
 India Brasilides, vel quæ loca lambit Hydaspes,
 Gemmifer atq; Tagus, dives Pactolus arenis
 Auratis, nec non famosi littora Nili,
 Et Pana & Segetes, & quidquid Sicula Mater
 Producit: totum Sapiencis servit honori.
 Docte GOŁĘBIEWSKI, quando nunc Inclyta Pallas
 Ingenium Viresq; tuas, suspexit in actu,
 Expoliendi animi: mentis laudabile pondus.
 Cum tu nodosos solvebas promptus Elenchos
 Dum facunda Tuo manat de pectore suada,
 Et Regina animorum Te Sapiencia dignum
 Annumerare Sophis voluit; nunc iam tibi servit;
 Quidquid in Orbe nitet, iam tellus ipsa Ceresq;
 Applaudit Tibi: namq; Viri menti Sapiencis,
 Quid non applaudit? feliciter ergo triumphas,
 Vive Columbini, Candoris Vir bone Vive.

V. V.D. CASIMIRO MVSIAŁOWIC

Ægypti Sementem, Nili Irrigatione Beatam.

CVM LEMMATE:

Et Tibi sedes Fertilitatis.

B eata Messis divitibus venit,
 Ægypti in arvis, Niliaco suum
 Linquente littus Marginesq;
 Flumine Patritio colonis.

Felix quotannis pondere copia
 Culmi resurgit, sic magis & suus
 Sulcus triumphat inter arua:
 Omnigenâ Cerere & beatur.

Beatis & Tu, munere Nobili
 MVSIAŁOWIC cum largior alluit
 Natura Mater teq; adornat,
 Ingenio celebri graviq;.

Par inveniris tu Stagyruticis,
 Nodis secandis, mens penetrat tua

*Abstrusa fiderum, docetq;
 Vrania Numeros Polares.
 Spectatur in te Nestoreus lepor,
 Oris disertis Castalijs quoq;
 Vndis, Camenarum Sacerdos,
 Tu reficis decus omne Pindi.
 Sat ergo felix, germine de Tuo
 Messis beabit Te, Iagelonica
 Nunc colligens Pallas Togata,
 Serta tibi dicat & Corymbos.*

VI. V. D. ALBERTO MROZIENSKI.
 Apuliam quæ excolta copiosas fruges germinat.

CVM LEMMATE:

Excolta virescit,

Frugibus innumeris completur Apulia tellus;
 Pluraq; non sterilis germina ferre solet.
 Sed cui scissa prius nō pinguis vomere gleba,
 Sæpius edomiti sensit, aratra iugis
 Post hæc colta nitens densis redimitur aristis,
 Spem quoque iam Domino, vota que plena facit
 Sic quas excoluit, duro certamine mentes,
 Et labor & Vires, maxima quæq; ferunt.
 Rebus in humanis quoniam nil sorte beata,
 Iuppiter è Cælis, absq; labore dedit.
 Ex quo gemma simul, pretium quoq; majus inorbe,
 Surgere consuevit, fama q; Clara Viro.
 Hæc Tibi MROZINSKI, pulchro pro nomine tanto,
 Afsiduusq; labor cura q; digna fuit.
 Ejaage sic pergas, vlli nec cede labori,
 Magna dabit sudor præmia, fronte cadens.
 Tempora nunc lauro, præcingit Docta Virenti
 Pallas, pro meritis jo triumphæ cane.
 At neq; desistas captis conatibus ultra
 Te dare, quos Tibi nunc suggeret Alma Parens.

II. V. D. MICHAELI STANISLAO
 R E R O N S K I,

Primæ Laureæ Candidato, Authori operis

Amplif.

Amplissimum gloriæ Campum, honorum Messem
uberrimè germantem.

CVM LEMMATE:

Surget honorum Nobile germen.

III. V. D. MARTINVS IOANNES
W A L E S Z Y N S K I,

Ejusdem Laureæ Candidatus in vim fraterni affectûs
& gratulatorij applausûs, Offert, dicat, consecratq;.

Quid dicam, quo Te potero celebrare Cothurno,
Quas referam grates, munera quæq; dabo?
Laudibus ornasti quod nos o Docte RERONSKI:

Sit laudis semper portio Magna Tibi.

Tangimus en metam per Te, portumq; secundum,
Campus doctrinæ Teq; beatus habet.

Ex quo iam recipis fructus sudore paratos,
Maturam messem colligis ipse Tibi:

Scilicet eloquij gemmas, roseamq; loquelam

Ore tuo spargis, Tullius atq; manes.

Dotibus existis magnis, dum Carmina pandis,

Aonidum melos, Nobile quando sonas,

Hinc Tibi Doctorum PRZEWOSKI gemma refulgens,

Extat Patronus: Lumen in orbe Craci.

Ingenium, Virtus, Candor, meritq; labores

In virides laurus, enituere Tibi

Ergo dum remanes fecunda messe beatus,

Dum docta mentis, digna Corona datur.

Vivito Cunctorum decorandus laudibus amplis,

Vivito longauos, & sine nube dies.






SVB FELICISSIMIS AVSPICIIS
Magnifici, Perillustri, & Admodum Reverendi Domini
D. M. CHRISTOPHORI
S O W I N S K I
 S. T. Doctoris & Professoris, Collegæ
 Majoris, Ecclesiarum Collegiatarum ad S.
 FLORIANVM Decani, Custodis Pilecensis,
 Cancellarij Posnaniensis, Curati Prosovi-
 censis, Contubernij Philosophorum &
 Collegij Vladislaviani Provisoris,
 Studij Almæ Universitatis Crac:
 Generalis ac Vigilantissimi
R E C T O R I S.

J. xxii 17

II
I
C
F
I
S
S
i



Biblioteka Jagiellońska



stdr0014874

